



Broj: 17-sl/19-19
Ilidža, 27.09.2019.godine

OPĆINSKI NAČELNIK

PREDMET: Davanje saglasnosti Općinskog načelnika na
materijal za sjednicu Općinskog vijeća

U prilogu Vam dostavljamo materijale koji je izradila Stručna služba za poslove Općinskog vijeća kako bi na iste dali svoju saglasnost i to:

- Prijedlog Odluke o posebnim uslovima za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža
- Prijedlog Odluke o o objavljivanju javnog oglasa za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža

DOSTAVLJENO:

1. Naslovu
2. a/a

Materijal za 31 redovnu sjednicu
Ilidža

SAGLASNOST:
prof.dr. Senaid Memić

PO OVLAŠTENJU
OPĆINSKOG NAČELNIK
Azreta Grebović, dipl.pravnik



Prijedlog

O D L U K A
O POSEBNIM USLOVIMA ZA IMENOVANJE PREDSJEDNIKA I DVA ČLANA SKUPŠTINE
JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD
JAVNOG INTERESA OPĆINE ILIDŽA

Nosilac pripreme materijala:
Stručna služba za poslove Općinskog vijeća

Ilidža, septembar 2019.godine





Broj:
Ilidža,

Prijedlog

Na osnovu člana 7. stav (2) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03, 65/13) i člana 28. Statuta općine Ilidža - Prečišćeni tekst („Službene novine Kantona Sarajevo“, broj 33/10, 18/16), Općinsko vijeće Ilidža na ____ redovnoj sjednici održanoj dana _____ 2019.godine, donijelo je

O D L U K U

O POSEBNIM USLOVIMA ZA IMENOVANJE PREDSJEDNIKA I DVA ČLANA SKUPŠTINE JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA

Član 1. **(Predmet Odluke)**

Ovom Odlukom Općinsko vijeće utvrđuje posebne uslove za imenovanje predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža „ILIDŽA“ Društvo sa ograničenom odgovornošću JP „ILIDŽA“ d.o.o. (u daljem tekstu: Preduzeće).

Član 2. **(Posebni uslovi)**

Posebni uslovi za imenovanje predsjednika i dva člana Skupštine Preduzeća su:

- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja
- b) da ima najmanje tri godine staža u struci
- c) da posjeduje znanja i sposobnosti razumjevanja poslovnih izvještaja i poznavanja propisa iz oblasti poslovanja privrednih društava
- d) da nema privatni finansijski interes u preduzeću

Član 3. **(Odluka o objavljivanju javnog oglasa)**

U skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03, 65/13) i posebnih uslova utvrđenih u članu 2. ove Odluke, Općinsko vijeće Ilidža će donijeti Odluku o objavljivanju javnog oglasa za imenovanje predsjednika i dva člana Skupštine preduzeća.



Član 4.
(Objavlivanje)

Ova Odluka objavit će se u „Službenim novinama Kantona Sarajevo“.

PREDSJEDAVALJUĆI

Muhamed Omerović

DOSTAVLJENO:

1. Općinski načelnik
2. JP „ILIDŽA“ d.o.o – na znanje
Trg branilaca Hrasnice bb, Hrasnica
3. Za objavu „SNKS“
4. Evidencija
5. a/a



Obrazloženje

Pravni osnov

Pravni osnov za donošenje ove Odluke je član 7. stav (2) Zakona o ministarskim, vladinim i drugim imenovanjima Federacije BiH kojim je propisao da će odgovorni javni službenik (u ovom slučaju Općinsko vijeće) utvrditi standard za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog što je neophodno obzirom na prirodu posla koji organ koji se imenuje treba obavljati.

Član 28. Statuta općine Ilidža propisuje da Općinsko vijeće donosi odluke, druge propise i opće akte.

Razlozi donošenja

Općinsko vijeće je donijelo Odluku o osnivanju Javnog preduzeća za obavljanje komunalnih i drugih djelatnosti od javnog interesa Općine Ilidža ("Službene novine Kantona Sarajevo", broj 18/15) I članom 29. ove Odluke propisano je da imenovanje predsjednika i dva člana Skupštine Javnog preduzeća vrši Općinsko vijeće na prijedlog Komisije za izbor, imenovanja i pitanja ravnopravnosti spolova.

Općinsko vijeće je u prošlom mandatu donijelo Odluku o imenovanju predsjednika i dva člana Skupštine Javnog preduzeća "Ilidža" ("Službene novine Kantona Sarajevo", broj 44/15, 27/17) i u skladu sa navedenom Odlukom mandati imenovanim članovima Skupštine preduzeća ističu dana 29.10.2019.godine.

Imajući u vidu naprijed navedenu činjenicu potrebno je da Općinsko vijeće provede svu potrebnu proceduru za imenovanje predsjednika i dva člana Skupštine ovog preduzeća.

U skladu sa Zakonom o ministarskim, vladinim i drugim imenovanjima Federacije BiH potrebno je da Općinsko vijeće prethodno utvrdi posebne uslove za imenovanje za navedene pozicije kako to propisuje naprijed navedeni Zakon kako bi se stekle pretpostavke da Općinsko vijeće donese Odluku o objavljivanju javnog oglasa za imenovanje predsjednika i dva člana Skupštine preduzeća.

U skladu sa naprijed navedenim, predlažemo da Općinsko vijeće donese Odluku u predloženom tekstu sa napomenom da su ovi posebni uslovi identični uslovima koje je Vijeće prihvatilo u prošlom mandatu za imenovanje na navedene pozicije.

